


حقوقى بىلىكىلىرىمۇجەسسەسى

ھەر آيك اون بېشىندە نىشر اولتور



دهنیلن بری «مدیون» دهنیلن دیگرندن برشی طلب ایتمه حق واردر. وجیهه نك نتیجه سی برطرفی اوبرطرفه ربط ایتمکدر. وجیهه «رابطه حقوقیه» دهنیلن شیشی تشکیل ایدر. بومناسب مطلوب جهتندن ودا ئنك شخصی نقطه سندن تدقیق ایدلسه بر «آله حق» تسمیه اولنور. ذمت جهتندن و مدیونك شخصی نقطه سندن تدقیق اولونسه بر «بورج» تسمیه قلنور. بومناسب حقوقیه یی تام اوله رق، ایکی طرفك اوینادقلری روللر آره سنده کی فرقدن تجرید ایدره ك، افاده ایده جك كله «اوبلیغاسیون = وجیهه» كله سیدر. بو که نیش معناسنده «وجیهه» كله سی، «آله حق» و «بورج» كله لرینك ایکسسه بردن معادل اولور. بناء علیه بوتون مدعیات و مطلوبات حقنده عمومی بر تدقیق یا بمق لازم کلد کده بوتعبیر قوللانیلیر که بوتبعه «وجیهه لر نظریه سی Théorie d'obligation» دهیه توسیم اولنور. فقط «وجیهه» كله سنك برده دار و ذمته معلق بر معناسی وار که «بورج» مقابلیدر. مثلاً «بورجلی نك درعهده ایتدیکی وجیهه دن» بحث ایدیه بیلیر.

جریان ایده بیه جك مناقشه ده پلانیولك بومطالعهلرینك برقیمتی اولور ظنیله بورایه قید ایتدم.

میهللی: غار فرانفو

اخطار — برنجی سنه یه عائد نسخه لرك فهرستی احضار ایدلایکندن کله جك نسخه مزه علاوه ایده جکز.

مصطفی رشید بك

اصول حقوقیه

یکی

حقوق اصول محاکمه لری قانونی

«بکن نسخه مزادن مابعد»

آلتنجی فصل

اصول

۳۴ — اصلاح، طرفینده برینك، دیگرینك رضا و موافقتی انحصال ایتدرده اصول متعلقه بایریمقی معامله لری اورددرده قالدیرمیدر. بوتقدیرده محاکمه، اورددرده قالدیریلان معامله دن اعتباراً یکیدن اجرا اولونور.

بواساس یکیدر، اسکیدن، بر کیمسه نك سهواً و خطاءً و یا کندیسنه و یا وکیلنه عطف اولوناییله جك بر قصور نتیجه سنده یا کلتش یابدینی بر معامله بی تصحیح ایتمی امکاتسز ایدی. اصوله متعلق خطاسنی آکلایان کیمسه نك بونی هر زمان ایچون تصحیح ایده بیلیمسی، حقک ظفیری ایچون لازم و ضروریدر. آنجق بوشکل دعوانك رؤیتی تأخیر ایده جکندن، بونیجه یه قارشئی تدبیر آلق ضرورتی واردر.

قانون محدودلری ازاله مقصدیله اولا طرفیندن هر برینه یالکزر بر دفعیه مخصوص اولق اوزره اصلاحه، یعنی هر هانکی بر معامله سندن اعتباراً جریان ایدن بالجمله معاملاتی بر کره ابطال ایده بیلیمکه مساعدده ایتکده در. بردن زیاده اصلاح یا پاماز (ماده : ۸۳). ثانیاً اقرار، اصلاح ایله کأن لم یکن عد اولونامیه جنی کبی شاهد لرك یکیدن استماعی، اهل خبره دن تکرار راپور آلمسیده لازم کلز. « اده قرار لرینک کأن لم یکن عد ایدیلوب ابدلیه جکی حقدده یکی حقوق اصول محاکم لری شرحزه مراجعت ».

ثالثاً اصلاح ایدن طرف، دعوائی غائب ایتمش کبی مصارف محاکمه ایله ملزم اولدینی کبی (۸۶) دعوائی سورنجه ده براقق، خصمی از طاج ایتکدن عبارت سوء نیت ایله حرکت ایتدیکی تقدیرده ضرر وزیانه و یوز لیرا جزای نقدی ایله محکوم ایدیلیر (۸۰). رابعاً اصلاح ایدن کیمسه دعوا یه دوام ایچون محکمه طرفندن علی الحساب تقدیر اولوناجق مصارف و ضرر و زیانی پشیناً محکمه و زنه سنه تودبیه مجبوردر.

و نهایت اصلاح صورتیله مدعینک مدعی بهی تزیید ایدمه مسی اساسی قبول ایدلمشدر. بوصوک اساس استانبول قومیسوننک اجتهدی ایله علاوه اولنمشدر. بوحال، حاکمک فضل سیله مدطابه حکم ایده جکی تمایلی حس ایدن مدعینک فرصتدن استفاده سنه مانع اولاجفندن فائده سی کور یله بیلیر. آنجق مثلامدعی، آلدینی یارده نك ابتداءً پک و خیم اولماسنه بناءً نسبتاً آز تضمینات ایسته دکن صوکره، بالا آخره بونک نتایجی، تخمینندن چوق فضل اولور ایسه مدطابه یه اصلاح صورتیله تزیید ایدمه مسی پکده موافق اولاماز.

۳۵ — کرک مدعی و کرک مدعی علیه ایلك جلسه محاکمه دن و حق تبلیغ ایتدک لری ایلك لایحه واستدعادن اعتباراً اصلاح یا پاییلیر.

مدعی علیه ایلك لایحه سنی اصلاح ایده رسه بولایحه ویرلمش عد اولونور و قانونی مدت طرفنده یکیدن لایحه ویرمکه مجبوردر و مدعی بویکی لایحه یه تکرار جواب ویرمکه جک

بوصورتی که محاکمه یکیدن جریان ایده جکدر . بالعکس مدعی استدعائی اصلاح ایده درسه استدا ویرمهش حکمنده عد اولونور . فقط کنیدیسی اوچ کون ظرفنده یکیدن استدا ویرسه دعوانک نتیجه لری ایلک استدا تاریخنه قدرشامل اولور . اگر اوچ کون ظرفنده یکیدن استدا ویرمزایسه ایلک دعواسی ابطال اولونور . «ابطال ایدلمش دعوانک مرور زمانی قطع ایدوب ایده میسه جکی حقنده یکی حقوق اصول محاکمه لری شرحزه مراجعت» . بواله اوچ آی ایچنده تکرار دعوا ایده بیلیر . فقط بو تقدیرده دعوانک نتیجه سی ، سوکرده دن اقامه اولونان دعوا تاریخنه رجوع ایده . اوچ آی ظرفنده اقامه ایتمدیکی تقدیرده دعوانک بسبتون فراغت ایتمش اولونور (۸۸ ، ۸۹) .

بدنجی فصل

فراغت رفیل

۳۶ — فراغت، کرک مدعی و کرک مدعی علیه نتیجه طلبندن صرف نظر ایتمسندن عبارتدر . مدعی دعواسندن واز کچر ویاخود مدعی علیه درمیان ایتمدیکی دفعی اولامش عد ایده درسه فراغت واقعدر . قبول ایسه خصمک ادعاسنک تماماً وارد اولدیفنی تصدیق ایتمکدر . فراغت ایله قبول نتیجه اعتباریله بربرینه بکزه : مدعی فراغت ایده درسه خصمک ادعاسنک دوغریلفنی قبول اییدیور دیتمکدر .

برادعا ویا مدافعه نك قبولی ویا بوندن فراغت حالنده، بونکله مرتبط اولان تفرعاتده قبول ایدلمش اولور و بناء علیه فراغت ویا قبول حالنده دعوا نهایت بولور . دقت اولتیدرکه فراغت و قبول ایله اقرار آراسنده فرق واردر . اقرار ایدن کیسه، مطلقا خصمک ادعاسنی تصدیق ایتمز . بلکه بوادعای قبول ایله برابر بونی رد و جرح ایده جک دفعده بولونابیلیر .

سکزننجی فصل

تأمینات

۳۷ — اصول محاکمه قانونلری، برطرفک اصوله متعلق یاباجنی بعض مهم معامله لردن دیگر طرفک متضرر اولاییلمسی و بوضرر و زیانک بونی یاپاندن ماده استیفاسی قابل اولایه مامسی احتمالیه بناء بوکی معامله لره باشلا یاییلمک ایچون تأمینات اراهنه سنی شرط ایتمکده در .

از جمله احتیاطی تدبیر لرك اتحادی طلب اولونا بیلیمك ایچون قاعده اولارق، تأمینات ویرمك شرطدر. كذلك تور کياده اقامت ایتمه یان کیمسه لر، مدعی علیه کدعوا سیله معروض قالماسی محتمل ضرر و زیاننه قارشو، تور کیده دعوا اقامه ایده بیلیمك ایچون تأمینات ویرمك مجبوردر لر. بالعکس بعضاً مدعی علیه تأمینات ارا نه ایتمی لازم کلیر. از جمله مدعی علیه تأمینات ارا نه سیله علیه اتحاد ایدلمش احتیاطی تدبیرك رفعی طلب ایده بیلیر.

۳۸ — شباط ۱۳۳۱ تاریخی اجنبیلرک حقوق و وظائفی تعیین ایدن قانون موجبجه بعض شرائط داخلده، اجنبیلر، تور کياده تور کیر علیه اقامه دعوا ایچون تأمینات کوستر مکه مجبور ایدیلر. اصول محاکمه قانونی، بوقانونی بونقطه ده تعدیل ایتشد: اجنبیلر ده یرلیر کبی بلا قید و شرط تور کياده دعوا اقامه سنه صلاحیتداردر. آتیق تور کياده اقامتکاهی اولمایانلر، امینی اولسونه، تورک اولسونه، هر حالده تأمینات کوستر مکه مکلفدر. قانون تأمینات طلبی اعتراضات ابتدایه دن عد ایتشد: ابتدای محاکمه بو طلبده بوانایان طرف، بالاخره تأمینات طلبه صلاحیتدار دکلدیر (۹۷). تأمینات ویره جک کیمسه، حاکم طرفدن تعیین اولونان مدت ظرفنده، تأمیناتی ویرمزسه محکمه ده حاضر بولنامش عد اولونارق غیابی معامله یه معروض قالیر.

۳۹ — تأمینات نه شکلنده ویرمك لازمدر؟ اسکی اصولزده محکمه لرك تعامل و اجتهدینه نظراً یالکز کاتب عدلدن اقتدار و امضاسی مصدق برسنده ویرمك لازم ایدی. قانونک صورت مخصوصه ده تصریح ایتدیکی احوالده ایسه محکمه جه تعیین اولونان بر مبلتک عدلیه و زنه سنه تودیبی ایله تأمینات ارا نه سی جائز ایدی.

کفالت ایله تأمینات، کفیلک حکم اولوناجق تضمیناتی تأدییه عدم اقتداری حالنده، قائده سز قالیر. یکی قانون بوملاحظه ایله کفیلک اقتداری کاتب عدلدن مصدق اولسنه لزوم کورمکده در. مع مافیه اقتدارلری کاتب عدلدن تصدیق ایدلمش کفیلک فنا وضعی کاتب عدله مهارتله صاقلانمش اولماسی احتمالندن باشقه کفیلده بالاخره تأدییه دینه مالی اقتداری سلب ایده جک احوالده تحدت ایده بیلیر. بناءً علیه فعلیاده کورلدیکی وجهله بالخاصه شانتاز ایچون اقامه اولونان بویوک دعوالر ده، سوسلی عنوانلره مالک مفلس برچوق کفیللرک ارا نه ایدلمسی چوق نمکنسدر. اونک ایچون آلمان قانونی، قانونک

صراحتاً مساعدہ ایستدیکي احوال مستثنا اولمق اوزرہ، کفالتی تأمینات اولارق قبول ایتمور۔
فرانسہده کفالت ایله تأمینات جائزدر۔ فقط کفیللری کاتب عدل قبول ایتمز۔ بر
اصول محاکمه داخلده بونلرک اقتداری محکمهجه تقدیر اولونور۔

استانبول قومیسونی اساس اعتباریله کفالت ایله تأمیناتی قبول ایتمیش ایدی۔
عدلیه انجمنی، شہسز بر سهولت مقصدینه مستقد اولارق کاتب عدلدن مصدق
کفالت ایله تأمینات ارأه سنی قبول ایتمشدر۔ آنجق کفالتک معتبر اولمادیغنه خصم
اعتراض ایده بیلیر۔ بوندن باشقا نقد، اسهام و تحویلات ده پوسی ایله تأمینات
ویریله بیلدیکی کبی محکمهجه معروف و معتبر اولان برباقه کفالتی ده ویریله بیلیر۔ بوحالده
کاتب عدلدن تصدیق لازم کلز۔ دولتجه معروف اولان معین بانقه لرک کفالتی قبول
ایتمک اول اولور ایدی۔ چونکه محکمه، رأساً برباقه نک معتبر اولوب اولمادیغنی تدقیق
ایچون ایجاب ایدن وسائطدن محرومدر۔

تأمینات اولارق تودیع اولوناجق نقدک مقداری محکمهجه تعیین اولونور۔ تودیع
اولوناجق اسهام و تحویلاتک ماهیتی ده کذلک محکمهجه تقدیر اولونور۔ آنجق برذھول
نتیجه سنده، قانون کرک اسهام و تحویلاتک و کرک باقہ کفالتک و کرک کاتب عدل
کفالتک نه مقدار پاره ایچون اولاجغنی تعیین ایتمه مشدر۔ بناءً علیہ قانونک ظاہری
افاده سنه نظرأ کفالتلرک کافی السابق غیرمعین اولماسی لازم کلور۔ حالبوکه غیرمعین کفالت،
عرض ایستدیکي تہلکه اعتباریله بورجلر قانونی حکمی ایله ممنوعدر (ماده : ۴۸۴)۔
کذلک مقداری غیرمعین غیرمنقول رهن ارأه سیلده تأمینات ارأه اولونابیلیر۔ بوده
قانون مدنی به مخالفدر۔

یکی اصول محاکمه قانونمیزک قانون مدنی و بورجلر قانوننک، بوماده لرینی تعدیل مقصدیله،
بو حکمی وضع ایستدیکي تأمل سیله جائز اولمادیغندن بجزه محکمه لر، محتمل ضرر و زیان اوله رق
تأمین ایدلمک لازم کلن مبلغی تعیین ایتمک لازم کلیر۔ کفالتنامه و یا تأمیناتک بومقدار ایچون
اولماسی ایجاب ایدر۔ استانبول قومیسونی، ہر حالده تأمیناتک محکمهجه تعیین اولوناجق معین
مقدار ایچون ویرلمسہ لزوم کو سترمش ایدی۔ واقعا قانون، بوقفطہ قومیسونک تکلیفاتی
قبول ایتمه مشدر۔ آنجق ۱۰۰ نجی ماده ده تأمیناتک کافی و معتبر اولوب اولمادیغنی حقنہ کی

اختلافك دعوائى تحقيق ايدن حاكم طرفندن حل ايدلسنه لزوم كوستردىكنندن قوميسونك نقطه نظرىنى قطعى صورتده رد ايتمشده عد اولوناماز . چونكه برتامينانك كافى اولوب اولمادىغى تعيين ايچون اونك ابتداء تعيين ايدلش اولماسى اقتضا ايدهر .

دوقوزنجى فصل

امتياطى نبرير

۴۰ - ۱۲۹۵ اصول محاكمه قانونى موجبجه حاكم، معجل و شرطه غيرمعلق وسنده مربوط و يا خود محكمه قناعت بخش صورتده اثبات اولونان هر آلاچاق ايچون مدعى عليهك. منقول، غيرمنقول بالعموم ماللرينك احتياطاً حجز ايدلسنه قرار ويره بيلير . ديكر طرفدن تعاملاً، عليهنه حجز احتياطى قرارى ويره جك كيمسهك استماعى جائز عد اولناماش ايدى . واتخاذ اولونان حجز احتياطى قرارى اساس حقنده حكم صدورينه قدر معتبر قالمقده ايدى . حالبوكه معروف اولان برشخصك بلكه موهوم برادعا سبيله بالعموم اموال مقوله سنى حجز و بونلرى تحت تمهيره آلمق شانتاز ايچون صوك درجه مساعد ايدى . مدعى، اصلاً شايد قبول اولمايان جزئى بر آلاچاغنى، مدعى عليهك صيقتيتيسندن بالاستفاده صلحاً بيبيرمك ايچون، محله هيئت اختياريه سى، پوليس ايله اقامتگاهنه كليز اونك غيابنده اوندكه اشيا سنى حجز و تحت تمهيره آليز ايدى . مدعينك، بالاخره محكوم اولاجنى ضرر و زيان ايسه همان همان صفره مساوى عد اولونا بيلديكى وبالخاصه دعوانك رؤيتى چوق كره آيلرجه دوام ايتديكى ايچون مدعى عليهك حقسز اولان ادعائى اوافق بر فدا كارلقله اسقاط ايتكمدهكى فائده سى آچيق ايدى .

يكي قانون، فده دال اجرا قانونندن اقتباس صورتيله و بعض تعديلات ايله بلا قيد و شرط حجز احتياطيه مساعده ايتمه مشدر: آنجه بورجهليك، اقامتگاهى اولمادىغى، ماللريني كيزلرديكى و باقاصفه ماضر لانيغى و يا خود اساساً يرلجى اولوب بولنريغى محله واجب التاثير اولانه بورجهنى و بركنده امتناع ايتسي و با تور كباده معلوم اقامتگاهى بولوماسى حالده، ماللرى احتياطاً حجز اولونا بيلير . بورجهليك اقامتگاهى مجهول ايسه

مؤجل اولان بورج ایچونده معجل مالنی آیر. مدیون ماللرینی کیزله مش ویا قاجش ایسنه مؤجل اولان بورج ایچونده حجز احتیاطی یاییله بیلیر. فقط دین معجل اولماز. بوماده فهدرال قانونه بک مطابق دکلدر. بوقانون موجبنجه مدیون حقننده حجز احتیاطی یاییله بیلیمک ایچون هم ماللرینی کیزله می و همده کندیسینک قاجقه حاضر لانسى شرطدر. فقط بوحالده دین مؤجل، معجل حالنی آیر: فی الحقیقه قانون، مؤجل اولان بورج ایچون احتیاطی حجزه مساعدده ایتدکن صوکره بونی معجل فرض ایتمه مکده معنا یوقدر چونکه اموال محجوزه، لزوم اولمایه رق، اجل صوکنه قدر محبوس وموقوف قالا جقدر.

۴۱ — بکی قانون، احتیاطی حجزدن باشقه، تأخرنده تهلمک اولان حاللرده بتخصیص ۱۰۱ نجی مادهده کوسرتیلن حاللرده، حاکمی، حال ووضعتک ایجاب ایتدیردیکی موقت تدبیرلری اتخاذه مأذون ایتمکده در. ازجمله منازعه لی شیک تعمیمینه، عدله تودیینه نفقه یه، آریله وبوشانما دعواسی اوزرینه قادینک کندیسینه اقامتگاه انتخاب ایتسینه، چوجوقلرک آنا وبابادن برینه تودیینه موقتاً قرار ویره بیلیر.

۴۱ — احتیاطی تدبیره رباعجز احتیاطییه قرار ویره بیلیمک ایچونده دیگر طرفه اشداء تبلیغات شرطدر. آنجق ایش مستعجل ایسه ویا خود بوتدیره واقف اولان مدعی علیه ماللرینی قاجیره جنی اثبات اولونابیلیرسه ازجمله واپوره بینمکده اولدینی بیان اولونان مدعی علیهک واپوره نقل ایتدیکی چالطه لرینک حجزی طلب اولونیورسه ویا خود مدعی علیهک بر ساعتده قاجیره بیله جکی باقدهده کی نقودینک حجزی ایسته نیورسه کندیسینه ایتداء تبلیغات ایفاسنه احتیاج یوقدر.

فقط مدعی علیه، غیابنده اتخاذ اولونانه حجز قرارینه دائماً اعتراضه ایدره بیلیر. شوقدارکر مجرد اعتراضه اصراری تأخیر اتمز. ازجمله مدعی علیه قاجادینقی ویا خود ماللرینی کیرله مدیکنی، اقامتگاهنک معلوم اولدینقی ویا بورجی اولمادینقی ادعا وثبات ایدره بیلیر. ۴۲ — اعتراض اوزرینه تدبیر احتیاطی رفع اولونابیلیر (۴۵) نومرویه باقکر ماده: (۱۱۲). احتیاطی تدبیر، دعوا اقامه سندن اول ویا صوکره طلب اولونابیلیر. دعوا اقامه سندن اول احتیاطی تدبیره قرار آلمسه ایه بوقرار تاریخندنه اعتباراً اوده کورمه ظرفنده دعوا

افامه سی ده لازمید. مدعی بومدت ظرفنده دعوا اقامه ایتدیکنه دائر علم و خبر آلاق
دوسیه سنه وضع ایتدیرمزه حجز احتیاطی کندیلکندن قالقار.

۴۳ — قرار ویریلن احتیاطی تدبیری اجرا دائرہ سی جبراً تطبیق ایدہ . فقط محکمہ مخزن ماعدا اولانلری محکمہ کاتبانندن برینہ تطبیق ایتدیریلیر.

۴۴ — احتیاطی تدبیر طلب ایردہ طرف تأمینات کو ستر مکہ مجبور در۔ فقط اقتدار مالیسی محقق اولان کیمسه طرفدن احتیاطی تدبیر طلب ایدلدیکی و یا خود رفعی طلب اولونان ضررک وقوع بولاجنی محقق اولدیغنی ومثلاً مائل انهدام بر دیوارک قلعی دعوا ایدلدیکی نظر دقته آلاق محکمہ تأمینات آلامدهده احتیاطی تدبیرہ قرار ویرہ بیلیر۔

دولت، اقتدار مالیسی محقق اولماسی بئنا، تأمینات اراؤه سندن معافدر. کذلک مظاهرت عدلیه نائل اولان فقیرلرده معافدر (مظاهرت عدلیه فصلنه مراجعت .

۴۵ — مدعى عليه، متقابلاً، تأییدات و برملک، وبا کدرینسک با اوصافه معین اقامتگاه
صاحبی اولدیغی اثبات اتمک وبا مالکینى میرانه جیقارموقه کبی احوالک ده کیشریکنی اثبات
اتمک شرطیده تأییداتسز علیرینده کی اہتیاطی تدبیرک رفعی ارعا ایدہ بیلیر . (۱۱۲) بو
حاللرده دعوا حقندہ قرار اتخاذا ایدلمدن دخی محکمہ احتیاطی تدبیری رفع ایدہ بیلیر .

اونچی فصل

معامله لرك شكلي

برنجی قسم

دعوتیہ اور تبلیغاتی

۴۶ - محکمہ جلب و دعوی متضمن اولان و یا خود محکمہ واسطہ سیلہ تبلیغ اولوناجق بالجله اوراقدہ ، طرفینک اسم واقامتکاهلریله تبلیغ ایدیله جک خصوصک مختصراً موضوعی کوسترملک ومدعی و محکمہ باشکاینک امضاسی بولنق لازمدر .

۴۷ — اسکی اصولہ تعاملہ دعوتیہ بی تبلیغ ایتدیرہن طرفک اقامتکاهی دعوتیہ ده یازلق مجبوری عد اولنمایور ایدی. وکیلک اقامتکاهی یازمق کافی کوریلپور ایدی.

دیگر طرفدن مدعینک تور کیانک هر هانکی بر طرفنده کی اقامتگاهنی دعوتیه ده ارا نه ایتمی جائز کوریلور ایدی.

اوزاق بر محله ساکن اولان مدعی به مدعی علیهک متقابلاً تبلیغات یا پاماسی امکانشز و یا فوق العاده مشکدر. دعوا مناسبتیه مدعی، علیه ضرر و زیان دعواسی اقامه ایدمک لازم کله بیلیر و وکیلک بو دعوا به وکالتی اولما یا بیلیر و یا وکالتدن استعفا ایدر. بو حالرده مدعی علیه بالذات اقامتگاهنی مجهول اولان مدعی به، سهولتله تبلیغات یا بایلملیدر.

بکی قانونه، عمومینه غریبه اولدیغی کبی دعوتیه تبلیغ ایتدیرمه کیسه بی محکمه نك دائرة قضائیه بر اقامتگاه اخازینه مجبور ایتکده در. (۱۱۷) هر نه قدر قانونده مصرح دکل ایسه ده، بزه کوره بواقامتگاهک دعوتیه ده کوسترلمی مجبوریدر. مدعی علیه بودعوا مناسبتیه هر درلو تبلیغاتی بواقامتگاهه یا بایلیر. مدعی کبی مدعی علیه ده محکمه نك دائرة قضائیه اقامتگاه تعیین مجبور در. چونکه بر دعوا مناسبتیه مدعینک اوزاق یرلره مکرر دفعه تبلیغات یا بقی مجبوریتمده قلماسی ایشلرک نهایتسز درجه ده اوزاماسنی موجب اولور. کرک مدعی، کرک مدعی علیه، محکمه نك دائرة قضائیه داخلنده اقامتگاه تعیین ایتمش ایسه دیگر طرفک مراجعتی اوزرینه محکمه او طرفه رأساً تبلیغات مخصوص بر اقامتگاه تعیین ایدر. ومثلاً، محکمه قلمنی تعیین ایده بیلیر حتی بو شایان ترجیحدر. چونکه اقامتگاه تعیین ایتمیان طرف، تبلیغاتک محاکمه قلمنه اولاجنی بیلرک اوکا کوره قلمدن اوراقی آلیر. بو نسیبه کندیسی ایچون بر سهولتدر. حال بوکه هر هانکی بر آووقات یازینخانه سی کبی رسمی اولمایان بر محلی محکمه، اقامتگاه تعیین ایده رایسه، هم تبلیغات مصرفی فضله اولور و همده او طرف ایچون تبلیغی استرداد ایتک صیقیجی اولور.

۴۸ — قانون، بر سهولت محضه اولقی اوزره آلمان قانوننده اولدینی کبی آووقاتلرک مقبوض مقابلنده یکدیگرینه یا به ققلمی تبلیغاتی معتبر عد ایتکده در. هر نه قدار قانونده صورت عمومیه ده وکیللرک بو وجهله تبلیغاتی معتبر عد اولمش ایسه ده اسباب موجهه اوقاتلرک، انضباطه تابع اولماسی، امضالرینک آز چوق معروف اولماسی اولدیغندن بزه کوره قانونی، مقصدینه کوره تفسیر ایده رک یالکمز آووقاتلرک بو وجهله تبلیغاتی معتبر عد ایتک لازم کله جکدر.

آلمان قانونی کندیسنه رفیق طرفندن تبلیغات یاپیلان اوقاتی بونی قبول و امضا ویرمه که مجبور طوتمقده در .

[آت طرفی کله جک نسخه مزده]

مصطفی رشید

سابق طابو مدیر عمومی

فانونه مدنی اراضی قانونی احکامی مرعیمیدر؟ ع. صموح البیه

بوندن بر آی مقدم تقاعده سوق اولنق صورتیله مأموریتدن علاقهم قطع اولندقدن واقفردن استانبوله کلدکدن صوکره استانبول باروسی مجموعه لرندن ۲، ۳، ۴، ۵، ۶ نجی نسخه لرنده مطالعه کذار عاجزانه اولان افاضل حقوقیه دن جواد و رفعت بک افندیلرک [اراضی قانونی احکامی مرعیمیدر] سؤالی حاوی سرلوحه لی مناقشات علمیه و تدقیقه دن استفاضه ایلدیکمدن طولانی مشارالیه مایه آرو آرو متشکرم .

بناء علیه دوام ایدن مناقشه یی مذکور مجموعه لرک آلتنجی نسخه سنده طابو مدیریت عمومی سندن بالعموم طابو مدیر و مأمور لرینه ارسال اولنان ایضاحنامه نک باشلانغیج قسمی شکل مناقشه یی حل ایلدیکندن بختله مذکور مناقشه یه ختام ویرلدیکی بیان اولنقش و مذکور ایضاحنامه عاجز لرنجه ترتیب ایدملکه برابر صورت مناقشه نک مسلکمزه تعلقی بولنقش اولدیغندن ناشی بو بایده عاجزانه لایح اولان مطالعه کم بضاعه می عرض ایتمه مساعد لرینه مغروراً جسارت ایلدم .

۴ تشرین اول ۹۲۶ تاریخسده موقع مرعیه وضع اولنان قانون مدینک ۶۱۸ و ۶۴۴ نجی ماده لری موجبجه برشیئه مالک اولان کیمسه اوشیده قانون دائره سنده دیله دیکی کی تصرف ایده جکی و اوشینک بونون متمم جزؤلرینه و برارضک صاحبی آلتنه و اوسته ده مالک اوله جنی ملا بسانیله اموال غیر منقوله نک اراضی و اجاری نیلی اقسامنده متصرفنک حق استیجاری حق تملکه تحویل ایتش اولنقله صاحبی طرفندن او نوع مال غیر منقولک دیله دیکی کی استعمال ایدیه جکی و آلتنه و اوسته مالک اولسی ذات رقبه نک بالکلیه مرفوعیتیه حاصل اوله جنی شبهه سزدر .